



UNIVERSITÄTS-  
BIBLIOTHEK  
PADERBORN

**Claudii Fleury, Presbyteri, Prioris Argenteliae Et Reg.  
Christianiss. A Confessionibus Institutiones Juris  
Ecclesiastici**

**Fleury, Claude**

**Moguntiae, 1760**

XXI. De forma provisionum.

---

[urn:nbn:de:hbz:466:1-67899](#)

1) Brod. in Louet. B. 10.

2) Ed. 1637. decl. 1646. stat. Bles. art. 46.

C A P. X X I.  
DE FORMA PROVISIONUM.

## I.

Provisio-  
nes sunt  
diploma-  
ta collato-  
rum.

**F**ORMA provisionum generatim est diploma collatoris, quo indicat, se conferre huic vel illi hoc vel illud beneficium, hoc vel illo modo vacuum. Dirigitur autem vel ad ipsum *provisum*, vel ad eos, a quibus recipiendus est vel in possessionem mittendus. Si collatio libera est, collator ordinarius semper proprio motu, perspecta hominis dignitate & probitate, conferre censetur, nec mentio sit petitionis vel intercessionis, quæ disciplinæ adverfaretur, cuius *externam speciem* servare laboramus. Si collatio est coacta, & vel nominacioni patroni, vel laureæ graduati debita; hoc exprimendum est. Sed tamen ordinarius hanc quoque personam ante collationem satis explorasse supponit.

& pape,  
quæ vel  
motu  
proprio  
vel ad in-  
stantiam.

**I I.** PAPA suas quoque provisiones *qua-*  
*si motu proprio* edit; edit tamen & alias implo-  
ratus, in quibus non piget exprimere, benefi-  
cium fuisse petitum & a papa concessum. In-  
ter has multum interest. Postiores enim re-  
feruntur ad petitionem, quibus papa dat, quod  
petitur, & sub iisdem dat conditionibus. Qua-  
re in petitione exprimendus est modus vacan-  
di cum omnibus impedimentis, veluti si po-

stulans jam beneficium possideat: alias enim libellus sub & obreptionis argueretur. A prioribus autem hæc omnia abesse possunt, quum papa harum rerum omnium notitiam perfectam habere, & plenam gratiam facere velle præsumatur<sup>r</sup>. Sed quum satis constet, papam tales provisiones æque ac ceteras sine causæ cognitione edere, & clausulam *motu proprio* stilo curiæ acceptam ferendam esse; in Francia hujus generis provisiones rejiciuntur, admissis solis posterioribus, quæ saltem ad certas regulas adstrictæ sunt.

1) C. 25. *de præb. in 6.*

III. POSTQUAM provisiones pontificum per resignationes in favorem tertii, per pensiones & præventiones in omni beneficiorum genere frequentissimæ factæ sunt; literæ pontificiæ in pergameno conscriptæ, & sigillo plumbeo munitæ, quas *bullas* vocant, sumtuosæ nimis in tenuioribus beneficiis videbantur, quorum possessionem simplicibus *signaturis*, quæ *bullarum compendia* sunt, muniti adpetere instituimus, ita ut bullæ propriæ manserint episcopatum, abbatiarum, aliorumque beneficiorum, quibus quis sit caput certi corporis ecclesiastici: non quod necessariæ sint, sed quod curiales Romani has provisiones alia forma expediri nolunt.

IV. QUUM autem *signature* in se contineat omnia, quæ in bullis deprehendimus, Quid sit ejus formam explicabimus. Est autem *signature* curiæ Romana nihil aliud, quam libellus

vel bullis  
vel sim-  
plice si-  
gnatura  
expe-  
diuntur,

supplex pontificis responsione stipatus. Potior ergo hujus diplomatis pars est libellus, quo genus vacantiæ, conditio implorantis, qualitas beneficij & impedimenta exprimuntur. Expresso vero vacantiæ genere, v. gr. *resignatione*; caute sub conditione subjiciuntur & reliqua, mortis scilicet & devolutionis, cum clausula generali *aut alio quovis modo*: quia contingere potest, ut die, quo libellus scriptus, resignans vel deceaserit, vel in calum devolutionis inciderit<sup>1</sup>. Inter qualitates implorantis eæ exprimuntur, quæ sunt necessariæ & ad *confirmandam* gratiam faciunt, ordines scilicet & laurea. Impedimenta, quæ *obstantias* vocant, sunt ea omnia, quæ ad *dimovendam* gratiam facere possent, ut irregularitates, licet jam tum remissæ, & in primis beneficia, si quibus jam gaudet implorans. Quum enim beneficiorum pluralitas sit contra canones, pontifex, ut dispensem, admonendus est. Exprimenda est etiam beneficij qualitas sacerdotalis, regularis, simplex, conventionalis, cum vel sine cura animarum, in primis autem aestimatio annui proventus. Sed hodie vera aestimatio tantum indicatur eorum beneficiorum, de quibus debentur *annatae*, & quorum veteres estimationes, quæ pro veris habentur, continentur in libris cameræ apostolicæ. Cetera beneficia omnia non censentur excedere estimationem XXIV. aureorum h. e. 2400. solidorum monetæ Francicæ: neque alio numero summa proventuum efferri solet. Ad calcem libelli subjicitur responsio, quæ proprie *signature* audit, & consistit in verbis: *Concessum,*

*ut petitur, in præsentia domini nostri papæ manu  
prælati, præsidis signaturæ, adscriptis. Hoc  
fere sit in expeditionibus quotidianis. In gra-  
tiis majoris momenti apparent verba, *fiat ut  
petitur, seu fiat motu proprio,* manu pontificis  
exarata, quibus appingit primam nominis sui  
baptismalis literam. Sequuntur plures clau-  
sulae pro genio stili curiæ magis, quam cogi-  
tare, ad derogandum juri communi, si forte  
gratiam impediret. Omnium illustrissima est  
ea, qua papa episcopo diœcesano mandat ex-  
secutionem concessionis, addita vulgo condi-  
tione, si *precista h.e. impetrans dignus judicatus  
fuerit*, qua corrigi putant absurdum illud,  
quod multi deprehendunt in isto modo provi-  
dendi, quo pontifex omnibus orantibus, ab-  
sentibus, præsentibus, notis, ignotis, dignis  
& indignis indulget. Atque hæ quidem pro-  
visiones dicuntur expeditæ *in forma dignum*.  
Sed si *precista Romam mittit vitæ morumque  
testimonium, provisio redit in forma gratioſa*  
*h.e. ut sine examine sit admittendus*<sup>2</sup>. Excipiuntur curæ, ob examen rigorosum, quod  
curatis subeundum injunxit concilium Tridentinum<sup>3</sup>. In infimo signaturæ loco manu  
*subdatarii dies adscribitur, non quo signatura  
scripta, sed quo libellus Romam perlatus est,*  
idque ex privilegio nationis Francicæ. Quod  
maximi momenti est in concessionibus, quæ  
fere nemini negantur, & jure præventionis  
nituntur: Sed in beneficiis consistorialibus hoc  
privilegium cessat, quorum bullis dies consi-  
storiæ adscribitur. Porro dies ille conveniat  
necessæ est cum *regula 3. de verosimili notitia**

R

h. e. ut a die mortis probabile sit notitiam ejus ad pontificem venire potuisse eo die, quo libellus Romam venit, idque sub pœna nullatatis. Eadem pœna locum habet, si comperatum fuerit, ante mortem nuntium Romam dimissum fuisse, quod *cursum* vocant *ambitionem*. Concursus plurium ejusdem diei provisionum ab eodem collatore profectarum viat omnes; sed si a diversis collatoribus profectæ sunt, papa legato suo & ordinarius vicario suo generali potior habetur ac præfertur.

- 1) *Le Prêtre cent. 2. c. 73. Brod. ad Louet. B. 10,*  
 2) *Ord. 1629. n. 21. declar. 1646. 3) Seff. 24. c. 18.*



C A P. X X I I.  
 DE ADIPISCENDA POSSESSIONE  
 BENEFICIORUM ECCLE-  
 SIASTICORUM.

## I.

Provisio-  
nes indi-  
gent visa, Si provisio pontificis Franciam attigit, duorum hominum, qui nobis in curia Romana sunt ab expeditionibus, scriptis testimoniis comprobandum est, solemnni ritu eam confectam esse. Si bulla continetur, bulla fulminanda h. e. ab episcopo vel eo, cui mandata executio, publicanda est. Eodem ritu obtinentur bullæ pro beneficiis consistorialibus, missò Romam de vita moribusque testimonio, ab ordinario scripto. Si provisiones in forma dignum datæ sint sive in bullis, sive in signaturis; ante possessionem opus est adpro-